

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասի 14.05.2018թ. թիվ 1808038992 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<07>> 06 2018թ. 14-13-61165-18/17-13-1416

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Սերգեյ Արտաշեսի Հովհաննիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Հերացի փողոցի 18Ա շենքի 13 բնակարանի բնակիչ Սերգեյ Արտաշեսի Հովհաննիսյանը դիմումով հայտնել է, որ <<VAZ21130>> մակնիշի 35CZ562 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 14.05.2018թ. թիվ 1808038992 որոշումը՝ նշելով, որ իրավախախտումը կատարել է ցույցերի ժամանակ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Սերգեյ Արտաշեսի Հովհաննիսյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը **ենթակա է քննության:**

Դիմումի քննարկման արդյունքում պարզվել է, որ դիմումատուի փաստարկն անհիմն է և վարչական ակտը վերանայելու հիմք չի կարող հանդիսանալ հետևյալ պատճառաբանությամբ.

Ճանապարհային ոստիկանության վարչական տույժ նշանակելու մասին 14.05.2018թ. թիվ 1808038992 որոշման հիմքում դրված տեսանյութից հստակ երևում է, որ 02.05.2018թ. ժամը՝ 08:47-ին Երևան քաղաքի Սեբաստիա - Վեգներ փողոցների խաչմերուկի հատվածում տրանսպորտային միջոցները կանգնած են լուսացույցի արգելիչ ազդանշանի ներքո, իսկ դիմումատուին պատկանող տրանսպորտային միջոցը չի ենթարկվում այդ ազդանշանին՝ առաջ անցնելով նրանից:

Ինչ վերաբերվում է դիմումատուի այն պնդմանը, որ իրավախախտումը կատարել է ցույցերի ժամանակ, ապա ոստիկանության պաշտոնական կայքում առկա հայտարարության համաձայն՝ ՀՀ ոստիկանության պետը Ճանապարհային ոստիկանությանը հանձնարարել է կարճել **2018 թվականի ապրիլի 13-ից 25-ն** ընկած ժամանակահատվածում երթևեկության անվտանգության ապահովման մասին օրենսդրության խախտումների հիմքով հարուցված վարչական վարույթները: **Խոսքը վերաբերում է միայն այն իրավախախտումներին, որոնք հայտնաբերվել են տեսանկարահանող սարքերով և կատարվել են հավաքների ընթացքում ճանապարհների երթևեկությունը դիտավորությամբ խոչընդոտելու կամ ճանապարհները փակելու հետևանքով:** Վարչական վարույթները կարճվելու են Վարչական իրավախախտումների վերաբերյալ ՀՀ օրենսգրքի 17-րդ և 27-րդ հոդվածներով նախատեսված իրավակարգավորումների հիմքով:

Այսպիսով դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 2-րդ մասի հատկանիշները, ուստի նրան վարչական պատասխանատվության ենթարկելու մասին որոշումն օրինական է և իրավաչափ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Սերգեյ Արտաշեսի Հովհաննիսյանի՝ Ճանապարհային ոստիկանության վարչական տույժ նշանակելու մասին 14.05.2018թ. թիվ 1808038992 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Սերգեյ Արտաշեսի Հովհաննիսյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Սերգեյ Արտաշեսի Հովհաննիսյանին և ՃՈ ՏՄՀԽԱ կենտրոն:

Կատարող՝ Ա.Ա.Միրզոյան



Ե.Կարապետյան